

# ЧТЕНІЯ

ВЪ

ИМПЕРАТОРСКОМЪ

ОБЩЕСТВѢ

ИСТОРИИ И ДРЕВНОСТЕЙ РОССІЙСКИХЪ

ПРИ

МОСКОВСКОМЪ УНИВЕРСИТЕТѢ.

---

ПОВРЕМЕННОЕ ИЗДАНІЕ

ПОДЪ ЗАВѢДЫВАНІЕМЪ

О. М. Водянскаго.

1872

Январь — Мартъ.

КНИГА ПЕРВАЯ.

---

МОСКВА

ВЪ УНИВЕРСИТЕТСКОЙ ТИПОГРАФИИ НА СТРАСТНОМЪ БУЛЬВАРѢ.

1872.

## НАДГРОВНОЕ СЛОВО

ГРИГОРІЯ ЦАМБЛАКА РОССІЙСКОМУ АРХІЕПИСКОПУ КИПРІАНУ.

---

ГРИГОРІА МНИХА И ПРЕЗВУТЕРА, ИГУМЕНА ОБИТЕЛИ ПЛИ-  
НАИРЬСКІА, <sup>1</sup> НАДГРОВНОЕ ИЖЕ ВО СВЯТЫХЪ ПО ИСТИННѢ  
КУПРІАНУ, АРХИЕПИСКОПУ РОССІЙСКОМУ.

Настояше убо и сіе намъ пострадати, о друзи, еже пострада-  
хомъ, его же отъ скорбныхъ мню ничто ж ино лютьише; что бо и  
будетъ ино отъ иже печалію касающихся сердцю, таковыа тѣщеты  
равно? Не бо имѣніемъ отъятие, не славы, не села, или стяжаніа,  
не стада, или чреды, не отечества, не домовъ и сродникъ, или  
сусѣдствующихъ, но самаго отца отъятие пострадохомъ, а отца  
такова, его же не вѣмъ которымъ слова указомъ слышащимъ  
представлю: яко жъ бо въ добродѣтели бѣше несточнѣваемъ <sup>2</sup>  
блаженный Купріянь, тако и въ словесныхъ указаніихъ непре-  
добраваемъ; <sup>3</sup> его жъ убо наше отечество изнесе, <sup>4</sup> вамъ жъ то-  
го Богъ дарова; его жъ вы на мнозѣ насладаетесь, мы же ли-  
шихомся; имъ же вы красуетесь, мы жъ того желаніемъ истае-  
вахомъ; имъ же вы преспѣваете, растуще въ заповѣдехъ Господ-  
нихъ, и мы, того писаніемъ подвигшесь, тѣххомся достигнути ва-  
шей (страны), яко да пастыря узримъ о стадѣ пекущая и отца  
о чадѣхъ веселящая; но о якова въ мѣсто яковыхъ устрѣтоша

---

<sup>1</sup> Полагаемъ, что подъ этимъ названіемъ надобно разумѣть нынѣшнюю Воз-  
несенскую Нывецкую Молдо-Влахійскую Лавру, Настоятелемъ которой, какъ  
извѣстно, былъ Григорій Цамблакъ въ послѣдніе годы предъ отъѣздомъ  
своихъ въ Литовскую Русь.

<sup>2</sup> То есть, точнымъ ему явиться трудно въ добродѣтели.

<sup>3</sup> Думаемъ, что надобно читать непріудобраваемъ, то есть, трудно ему удо-  
бниться.

<sup>4</sup> Разумѣется Болгарія столицу которой, Терновъ, дагѣ проповѣдникъ на-  
зываетъ отечествомъ М. Купріяна и своимъ.

насъ, отъ ненадежна гласа, стрѣль подобно коснувшася сердцю. О ядъ раствореннаго возвѣщеніа, сквозѣ уши воотъявшася во внутренна! И пожеже радости вашей не быхомъ спричастницы, всяко ако скорбемъ достойни, вамъ жь и намъ отца печали предложись трапеза и питие съ плачемъ растворись; ибо другаго Іосеа лишихомся, его жь препитаніе не пшеницею бѣше, но словомъ учительства и нрава благодатію, его жь цѣломудріе не по оному, но многъ высочайше, и не до того стану <sup>а</sup> и инымъ преподаде; сице бо мужа показа естество, яко не свое виѣнити держаще благо, аще ні иныхъ причастники тому устроить.

Како бо хотяше великъ обрѣстись въ царствіи небеснемъ, сотворивъ токмо, а не научивъ, и пожеже толико Патріарха Іакова плакашесь Егуптяне, языкъ иноязычнаго и племя иноплеменнаго, яко и на семдесятъ дніе плачю протягнутись, и сего ради иже окрестъ языкомъ явлену быти, тѣхъ еже къ мужу усердию и воздаанію чести, ея жь должны бяху о такомомъ мужи, съ нимъ же бѣ Богъ, како мы не плачемся, толикаго и такового добра, не учителя токмо, но и родителя, иже благодатію Пресвятаго Духа васъ породил, воспита жь Евангеліемъ, накавал же ученіемъ отеческимъ, упрямудрил господнимъ страхомъ, огради отъсюду молитвеннымъ дѣйствомъ, и проявленнымъ васъ створи и желательнымъ всѣмъ человекомъ. Сего ради и мы желаемъ васъ нынѣ паче нежъ первіе; слышахомъ бо ваше еже къ святому любленіе, яко не токмо дондеже живъ бѣше въ того сердци хрыстосея мыслено, но и по смерти, святѣй того души ваша сердца прилѣплена суть, и того блаженнѣи памяти ваная спребывають разумѣніа. Блаженъ убо онъ, яко такую любовь оставилъ всѣмъ вамъ, яко вы нѣсть въ человекѣхъ нынѣ обрести; блаженн и вы, яко сію приємди сохраняете совършену, и не доздѣ токмо, но и уживати <sup>б</sup> тщаетесь, яко чада отцелюбнаа, не двоихъ, или тріехъ, годъ иже преддоша, но и простертію лѣтнему съпротивяется и ваше ко отцю любленіе. Сего бо ради вождѣлнень онъ, яко таковы сынове роди, вождѣлнны жь и вы, яко такова сподобистесь нѣти отца; доблественъ корень и чюдентъ, но и плоди корени достойни; ибо яко жь нѣкій корень чюдентъ, въ нѣдрахъ крѣющься земля,

<sup>а</sup> И на томъ не остановился.

<sup>б</sup> Употреблять, пользоваться.

той убо не дивиться, ради ж плодовъ своея добродѣтели крѣпость показуеть, сице и блаженный Киприанъ въ гробѣ сокровенъ, тѣ убо нашими очима телесными незримъ есть, ради же васъ, плодовъ своея благодати, крѣпость показуеть. И больше вы отъ насъ явистесь: вамъ бо, яко достойнымъ, дается, отъ насъ же, яко отъ недостойныхъ, отъются, и отънелѣ же васъ духомъ порожди, того вы видѣніа никако жъ оскудѣсте, мы жъ святаго оногo лица вмалѣ сподобихомся видѣти, отроческій еще носяща возрастъ, абіе жъ отъ насъ отъиде, и старости насъ постигши, не къ тому того видѣхомъ, а что виновное сему, яко да нынѣ рыданіе много о немъ уплождаваемъ, и страсти утѣшеніа ни откуда же имѣемъ. Вѣсте жъ и вы, возлюбленніи, егда великое сіе видѣхомъ сокровище, и да отчасти о томъ вспоманемъ вамъ: суть бо оттоли до тридесять нѣгдѣ лѣтъ, егда отъ васъ воздвигся, къ великому сему и царици градовомъ грядяше; подвизааше бо пастыря любуеніе, долготу ни во что жъ вмѣннати, и нѣкій языкъ проходящи, ижъ Истру<sup>1</sup> рѣцѣ спротяжущи, искушеніа святаго срѣтша и многою скорбію того обложиша; обычно бо Господеви святымъ таковаа попуцати смотрительнѣ, яко да они убо страждуще, проявленнѣйше бываютъ, тогова же божественнаа сила въ тѣхъ немощи свершается, яко жъ ко Іову первіе: «Мняши ли мя инако ти сотворша, но яко да проявишися праведенъ;» и къ Павлу второе: «сила бо моя въ немощи свершается;» и яко жъ уже близъ бысть къ намъ грядый, тогда церкви, яжъ насъ воспитавшіа и наказавши, съ рожденіемъ насъ отцемъ и учителемъ зѣльнымъ,<sup>2</sup> срѣте, воспріемлющи свѣтлостію блаженнаго, цѣловаючи, объемлющи, печальнаа радостными отгонящи, студъ ограбленіа подобающею чѣстью забвенію отсылаючи. По неже бо Богъ на пути тому оскорбитись попусти, благоволи тому во отечествіи тако прославитись и утѣшити того желающаа сердца, и самому исполнитись неизглаголаннаа радости, видѣвшу свое отечество тако правимо, яко многимъ похвалямъ достойно<sup>3</sup>

<sup>1</sup> Дунав.

<sup>2</sup> Здѣсь разумѣется родичъ св. Кипріана, блаженный Евелмій, Патріархъ Терновскій.

<sup>3</sup> Посѣщеніе Кипріаномъ Тернова относится къ 1379 году; слѣдовательно, произошло оное всего за 10 лѣтъ до его плѣна и разоренія Болгарской столицы Турками.

бѣше, своего жъ и великаго Евѳиміа, таковая кормленіа дръжаща, и стѣщись отъ жители града, яко жъ нѣкоторій быстринѣ, напрасно множству прятекшю того стрѣтенію: не жена вослотѣ отъ видѣнна прѣстати, не мужъ убогъ, или богатъ: оставиша хранилища домовъ хранителіе, не затворена убо бѣша купцемъ продавица,<sup>10</sup> помѣтахужесь на торжищу продаемаа, едино жъ храненіе всѣмъ и утверженіе, еже всѣмъ купно изыти и никому жъ отнудъ остати во градѣ; оставиша раби владыкоугожденіа, оставиша художницы своя дѣла, и елико чуждое народа, и елико мѣстное, тамо идяше, Киприана видѣти; тако жъ и дѣва неслуходнаа, студъ преобидѣвши, течааше; и старъ и недуженъ, немощь понудивше, тамо тщахуея; ибо велика сладость бѣаше, ежъ святаго лица восприати онаго (видѣніе). Нѣ бо токмо уча, или вѣщаа, но и зримъ, просто достоинъ бѣ всякоа добродѣтели ученіе въ зрящихъ душа вселити, и овы убо близъ грѣдааху, и ногама касаахуся, и руку целоваху, ови же, отъ множества возбраняеміи, издавечя того зря точію, яко довольно приемъше благословеніе, и ничто жъ меньше отъ иже близъ бывшихъ имѣвше, сице со всѣцѣмъ извѣщеніемъ отлождааху, жены умильно припадающе, своя чада подъ ногама его помѣтааху вѣрою, и недугующійхъ друзіи, и явлено бяху всѣмъ Богомъ послано врачество непѣщующе, и освященіе сладкое оно святаго вхожденіе, и еда нѣ по корагождо вѣрѣ благодать дѣйствуаше, и паче въ лѣпоту: <sup>11</sup> яжъ бо во апостолѣхъ дѣйствовавшіа сила, и тогда, ради благословеніа онаго, освашеваше вѣрныи онъ народъ и отраду страстемъ подаваше. Тогда великое сіе свѣтило видѣхомъ, братіе, и священныя оны руцѣ нашей коснушася главѣ, купно убо благословляюще, купно жъ и хотящая намъ случатися, духомъ проричяюще: тогда радостнаа бѣша, нынѣ же рыдательная; тогда веселіа органы начинахомъ, нынѣ же плачевныа подвижемъ; тогда бо утѣшаше разлученіе жизни надежда и блага упованіа имѣхомъ видѣти пакы твердаго онаго благочестіа столпа, нынѣ же послѣдніе наше разлученіе изволи, пропасть велика посреди того и насъ утвердися. Овъ убо на Авраамовыхъ упокуеається нѣдрахъ, мы жъ того желаніемъ палими, стражемъ, а устужающаго нѣсть; тогда дѣ-

<sup>10</sup> Давка.

<sup>11</sup> Или лучше сказать.

ховнѣ лѣкоствовахомъ, нынѣ умильно о страстехъ въздышемъ; тогда свѣтлое, а нынѣ надгробное, поемъ. О злаа тмы вѣстокъ свѣтила неуповающей: отыде доброта она, яже паче солнечныхъ зарей, вамъ же и намъ надсладъчѣйшаа; братіа бо вамъ есмы отлучшіи; <sup>12</sup> понеже и отецъ вашъ, ижъ плачу намъ предлежитъ вина, братъ бѣаше нашему отцю. <sup>13</sup> Сего ради егда веселястеся вы, и мы слышаще, веселію вашему спрѣчѣахомся, и плачу вашему подобны есмы сообщницы, понеже и бѣда опца: молчитъ гласъ сладкій онъ, и да сице реку небесный; оттуда бо имаше ежъ вѣцати, и паче вина сердца веселяціи, затворишася устны, тихо убо подвижмыа, обильно же благодать испущающаа; гдѣ око небесное зрящее, же тому дарова Богъ, въ пустыни еще суцу? <sup>14</sup> гдѣ ухо божественаго гласа послущающа? гдѣ языкъ онъ истинный, а еретикомъ страшный? гдѣ сладкая очима тишина, гдѣ устнамъ свѣтлое ослабленіе, благословеннемъ являемое? гдѣ десница многблагословляемаа, гдѣ свѣтлое оно ядрило духа, корабль вашего жительства сътворяющее, тихо преплавати житійскаа волны? гдѣ извѣстное душамъ кормило, имъ же возмущеніа языческаа безстрастно прелождаете? гдѣ непреложное разума утверженіе, имже всякъ страхъ отгоняете? гдѣ добрый кормчій, иже вашего ума корабль къ небесемъ направляаше? О лютаго истомленія, тому напрасно отъ насъ отбѣгшу! Слышахъ Іеремѣины гласы пѣкыа, сѣтованы, жалостны, ими жъ опустѣвши Іерусалимъ рыдааше, со многими иными сіе препѣвающъ: «Пути Синова плачются.» Сіа убо тогда рѣшася, нынѣ жъ исполнишася. Егда бо възвѣстися блаженное оно преставленіе, не вси ли Московстіи путце восплакашася? <sup>14</sup> не вмѣсто ли гуслей и цѣвницъ всѣхъ равно сѣтованіе обіать? не и саміи ли младенцы, страсте во искусѣ бывше, подобно рождешимъ, честное убо тому и желаемое исхожденія, намъ же горькое, рыданьми достойными почтоша? Вѣиъ и другую Еремѣинѣ подобну пѣснь, нашей страсти ключиму, яже (Давидъ) о плененія Израилевѣ сотвори; рече бо: «На рѣци Вави-

<sup>12</sup> Кипріанъ бѣвъ родвой дядя по матери Григорію Цамблаву.

<sup>13</sup> Найлучшій.

<sup>14</sup> Кипріанъ жилъ довольно на Аѳонѣ, гдѣ и узналъ и оцѣнилъ его по достоинству Константинопольскій Патріархъ Филоеѣй, бывшій Игуменомъ Лавры Св. Аѳанасія.

<sup>15</sup> Кипріанъ посѣтилъ Терновъ въ 1379 году, а скончался въ Сентябрѣ 1406.

гонетій; и ту сѣдохомъ и плакахомъ, помянувъше Сиона: на вѣрбѣхъ, посредѣ ея, обѣсихомъ органы наша, мое творя жалостное сие пѣние: и на мнѣ бо събысться, яко жь и на онѣхъ, идущи ми къ вамъ, яко же и достигъ рѣки, и тамо рѣка убо Геонъ бѣаше, идѣже плененіи они, себе жь и органаы молчанію осудиша, рѣка жь Немонъ <sup>16</sup> бѣаше протичющія Литвы, на ней жь горкому намъ стрѣтшю возвѣщенію, ни жь плакати можахомъ, ни жь телесны органы ко естественному движимыи имѣти, но изумлени быхомъ о ненадѣжномъ гласѣ, и зрящимъ токмо мечтающеся живи, душа въ насъ дръжима пленицами неизбѣжными отъ создавшаго, животнѣй же силѣ уже отъ насъ съпрятавъшиися. Исполнижеся и ино на насъ, еже о тѣхъ же людехъ речеса: «Возвратихся на страсть, егда унѣзе ми тернъ.» И тамо убо, егда прилучашеся единому въ ногу въпасти терну, прекланяющеса падааху, подобно страждущему и прочім, зане жь въ единове ризѣ водимомъ быти тысуцамъ, здѣ же не единому и стомъ, или тысуцій, но всѣмъ купно сердца стрѣла печали уязви, яже зависть пусти на насъ, добротѣ нашей позавидѣвъ, и насъ, брачныя совлекъ одежды, во вретнице облече и отъ чертога изведе, на распутіи остави, отъ злыхъ отъятыя отъ насъ добрый женихъ, и абие насъ обіяты сѣтованія сиротство; въ перенру и виссонъ нѣкогда облачахомоса, нынѣ же нищи являемса, и почто; <sup>17</sup> тѣмъ же я хотѣлъ быхъ, аще и васъ (нѣсть) близъ спомогающихъ ми выити на величество бѣды и нѣкїи гласъ въздвигнути, чести достоннѣ; велегласно, яже о отци бѣду обрвѣдываа, яко жь сътвориша доблественіи они сынове Патриарха Іакова; но что постражду? нако языкъ понужду къ служенію слову, яко же нѣкими тяжкими оковами, бѣдою окованный? како отверзу уста, безгласнемъ содержиммаа? како ли воззрю душевными очима, тмою бѣды покровень? Кто ми, разрѣшивъ мрачный и глубокий сей облакъ утра, паки отъ ясноты свѣтлу покажетъ смиренія зарю? Како жь и восіаетъ заря, свѣтилу нашему зашедшу? Да речемъ что і отъ Иволаѣхъ глаголь, и сами страждуще, их же онъ къ другому глаголаше болѣзненною душею: «Кто поставитъ насъ на лѣта днѣй первыхъ, въ них же храняшаше ны Господь, егда сіаше

<sup>16</sup> Нѣманъ.

<sup>17</sup> Вѣроятно, надобно читать «постыи».

свѣтильникъ его надъ главою нашею?» Угаси зависть дунувши церковную лампаду, и дыма и тмы сію исполни, яже убо надъ главою нашею стояше, вселеннѣй же свѣтаетъ всей, по Господню гласу: «Да восіаетъ свѣтъ вашъ предъ человекомъ!» Оскудѣ источникъ, языкъ, глаголю, святаго, и дерева, яжъ при исходящихъ того, иже есте вы, показываете дряхло лянствне; отгѣйте славіи перковнѣй, сладко поай божественаа во уши ваши, и ради сего уныли есте; велика насъ окружившіа бѣда, понеже і великъ сосудъ Божіихъ даровъ ненадежно отъ среды насъ взять бысть; въ немъ бѣаше любовь нелицемѣрна, яже закону и пророкомъ глава, благодать во устну изманныа, смиренномудріа крайній предѣлъ, Авраамово страннопримство или паче богопримство, цѣломудрие Іосифово, Моисеова благодать, и своеплеменникомъ миловаше, Іово терпѣние; вѣсте бо, возлюбленнѣи, колико бѣды подыять, иже и каменное умягчило бы ся естество, вся сладцѣ претерпѣ, да васъ не разлучится; Аароново священнолѣпіе, Самойлова твердость, Давидова кротость, Соломонова премудрость, Иліина ревность, Данилово разсужденіе, не въ соновахъ, яко же онъ въ Халдѣохъ, но в духовахъ; видѣаше бо добръ премудрый всякъ духъ истинный, исповѣдающій Господа Іисуса Христа, по плоти пришедша, и духъ лѣстечъ; по высокому Іоанну пустынно бѣ воспитаніе, и пустыньства лѣташе крылы сѣмо и онамо, духомъ наставаемъ до явленія, его еже къ новому Імлю вамъ, имъ же и надобенъ баше, ему же и достойни бѣсте: «Таковъ бо намъ подобаше Архирей,» иже во всемъ духовнѣ, возвесели васъ, оуби васъ своихъ молитвъ крылома отъ нашедшіа многажды бѣды, яко же птенца орелъ съ нѣдромъ приемъ; единѣмъ токмо оскорби васъ, и наша силы съ собою погрѣбе, еже изъ тѣла исьшествіемъ; а понеже Богъ повелѣ, кто спротивъ глаголай? И конецъ убо плачевнѣмъ сіе да будетъ: «Аще забуду тебе, Іерусалиме, забвена буди десница моя!» Вы жь утѣшитесь прочее, молящу ми васъ, и вопль рыданна оставите; кто бо и утѣшитъ страждущихъ, аще не ижъ, подобно вамъ, страждай? Не вьзятся отецъ отъ насъ, но посреде насъ стоять, больше нынѣ назираетъ насъ, нынѣ яснѣйши молится о насъ. И почто не зримъ есть нашимъ очима? Понеже во внутреняя завѣсы вниде святитель, въ незаходимаа достиже, оставль плоти завѣсу, идѣже Іисусъ, предотечи о насъ, вниде, нектому въ зеркалахъ и гаданіихъ и вещей обрзоахъ, по лицемъ



къ лицу бесѣдуетъ Богови, его жь отъ юности возлюбилъ, его же ради тому распятъ і онъ мирови, иже о васъ толико трудися съпротивися (скорѣбнаа съ вами раздѣляемъ, и нынѣ купно плачемся разлученіа учителява), <sup>18</sup> бодрѣствуа, да не кого отъ васъ отторгнетъ сатана. Толико бо возлюбилъ васъ, яко же Павелъ вселенную, съ нимъ же и глаголаше: «Кто изнемогаеть, и азъ не изнемогаю; кто соблажняется, и азъ не раждизаюся;» другій вамъ Павелъ явлься, и больше всѣхъ трудися, иже прежде его въ васъ бывшихъ, подвигъ добрый подвижася, теченіе сконча, вѣру соблюде, тѣмъ же предлежи тому праведный вѣнецъ, его же воздасть ему въ онъ день судія, егда и васъ всѣхъ тако возлюбленнихъ, отеческій же и пастырскій, окрестъ себе собереть, сіяющихъ свѣтомъ неизглаголанымъ, и радостный онъ и блаженный испуститъ гласъ: «Се азъ и дѣти, яже дасть Богъ,» ему же слава в безконечныа вѣкы. Аминь.

Написахъ Кипріану: О Кипріане, по истиннѣ свѣтило Російской земли. Григоріе Цамблакъ, писавый слово сіе надгробное, бывый Митрополитъ Кіеву и всеа дрѣжавы Литовския. <sup>19</sup>

*Слѣбц. Архимандритъ Іеонидъ.*

Новый Іерусалимъ.  
Генварь 1870 года.

<sup>18</sup> По смыслу рѣчи, это очевидная вставка, попавшая, по ошибкѣ писца, не въ свое мѣсто, по чему мы и заключили ее въ скобки.

<sup>19</sup> Слово это списано съ рукописи Московской Синод. Библіотеки, скороннаго XVI столѣтія, на 390 л., № 384, листъ 235, въ 4 л., въ корешкѣ. Сочинитель скончался въ 1419 году. Объ отношеніи его къ Кипріану и Евелію см. изслѣдованіе наше: «Кипріанъ до-востествовіа на Московскую Митрополию» во 2-й книгѣ «Чтеній въ Импер. Обществѣ Ист. и Древн. Росс.» 1867 г., Отд. I, стр. 11 — 32.

## ОГЛАВЛЕНІЕ.

### I.

#### ИЗСЛѢДОВАНІЯ.

Бородинское сраженіе	Стран 1 — 122
----------------------	------------------

### II.

#### МАТЕРІАЛЫ ОТЕЧЕСТВЕННЫЕ.

Физика, выбранная изъ лучшихъ авторовъ, расположенная и дополненная Невской Семинаріи Философіи и Физики Учителемъ Михаиломъ Сперанскимъ. Въ Санктпетербургѣ 1797 г. (Окончаніе). Съ Послѣсловіемъ О. М. Бодянского..	58 — 248
---	----------

### III.

#### МАТЕРІАЛЫ СЛАВЯНСКІЕ.

Народныя пѣсни Галицкой и Угорской Руси, собранныя Д. Членомъ Я. О. Головацкимъ и изданныя О. М. Бодянскимъ. Часть III. Обрядныя пѣсни при общественныхъ праздникахъ и увеселеніяхъ: Колядки, Меланка, Новый Рѣкъ, Гаевки или Весеннія, Жатвенныя и Уборочныя пѣсни. ....	109 — 208
---	-----------

### IV.

#### МАТЕРІАЛЫ ИНОСТРАННЫЕ.

. Путешествіе Корнилія Де Брунна черезъ Московію (при Петрѣ Великомъ). Переводъ съ Французскаго Д. Члена П. П. Барсова, съ предисловіемъ. Къ дню празднованія двухсотлѣтія рожденію Петра I. ....	1 — 72
---	--------

ОГЛАВЛЕНІЕ.

V.

С М Ъ С Б .

	Стран.
Выписка изъ вѣдомости о свободныхъ мѣстечкахъ, селахъ и деревняхъ въ Малой Россіи и т. п., составленная въ 1762 году, Мая 20 дня. Сообщилъ Графъ А. К. Гудовичъ. . . . .	1 — 24
Надгробное слово Григорія Цамблака Россійскому Архіепископу Кипріану. Сообщ. Д. Членъ Архимандритъ Леонидъ. . . . .	25 — 32
Указъ Московской Духовной Консисторіи въ Пехрянское Духовное Правленіе объ учиненіи вдовѣ лейбъ-гвардіи Ротмистра Глѣба Салтыкова, Дарѣ Николаевой дочери, обыска въ мучительствахъ и убійствахъ людей въ селѣ ея Троицкомъ и въ самой Москвѣ. Сообщ. Д. Членъ Н. П. Розановъ. . . . .	33 — 37
Выписка изъ дѣла о вдовѣ Салтыковой, судившейся за жестокость въ обращеніи съ людьми и многія смертоубійства. Сообщ. П. И. Мельниковъ. . . . .	38 — 44
Матеріалы для исторіи Хлыстовской и Скопческой ересей, собранные П. И. Мельниковымъ и имъ же сообщенные. Отдѣлъ I. Соловецкіе документы о Скопцахъ. . . . .	45 — 174
Объ образѣ Благовѣрныхъ Великія Княгини Анны Кашинскія. Д. Члена Г. Д. Филимонова. . . . .	175 — 177
Репортъ Московскаго Архангельскаго Собора Протоіерея Петра Алексѣева объ исповѣди и причастіи Пугачова съ товарищи. Сообщ. Д. Членъ Архимандритъ Леонидъ. . . . .	178
Опроверженіе примѣчаній на книгу Г. Ансильяона подъ заглавіемъ: «Естетическія разсужденія» Рязанскаго Архіепископа Теофилакта. Съ предисловіемъ О. М. Бодянскаго. Сообщ. Д. Членъ И. А. Чистовичъ. . . . .	179 — 209
Объясненія. О. М. Бодянскаго. . . . .	210 — 221
Протоколь Засѣданія Императорскаго Общества Исторіи и Древностей Россійскихъ при Московскомъ Университетѣ 1871 года, Ноября 12 дня. . . . .	223 — 228